

***RODOSLOVLJE PORODICA***

***ALBAHARI I LEVI***

## *PORODICA ALBAHARI iz Tešnja*

Interesantno je *prezime ALBAHARI*. To nije hebrejskog porijekla, više liči na špansko turski jezik. Ima pretpostavki o porijeklu prezimena Albahari.

Evo nekoliko objašnjenja:

- Albakjera što znači praskozorje, rana zora;
- Po objašnjenju Sir Cecil Roth, čuveni britanski naučnik koji se bavi porijeklom sefardskih imena, naveo je slijedeće:
  - o Od riječi elbehor, što je mala vjerovatnost,
  - o Od arapske riječi Al bahrija, što znači velika voda, more ili jezero. Prema tome naši preci bili bi mornari ili ribari;
- Najvjerojatnija je pretpostavka da su naši preci bili nastanjeni u malom mjestu *ALBUHERAL*, 5 km jugozapadno od mjesta *BADAJOS*, blizu portugalske granice. Kad su Jevreji protjerani iz Španije 1492.g. mnogi su uzeli prezimena mjesta odakle su protjerani, pa i mjesta gdje su se privremeno nastanili, pa tako imamo prezimena *TOLENTINO* (iz Toleda), *FERARE* (iz grada Ferara), *Castel Franko* i sl.

U Splitu postoji jedan stari spomenik u Jevrejskom groblju sa natpisom Albahari. Po pričanju našeg oca Davida Albahari, taj grob je od naših predaka. Odakle su došli, ne zna se tačno. Po pričanju našeg rođaka Leona Albahari (brat od strica našeg oca Davida) naši preci su došli iz Turske u Ruščuk – Bugarska, a odatle preko Salonike i Bitolja- Monastir raselili su se u druge krajeve, gradove i naselja Balkana.

## *Prati rodoslovlje na šemi.*

Naš predak JAKOB ALBAHARI, nemamo više podataka o njemu. Imao je djecu:

- I MOŠA
- II SALAMON
- III JUDA
- IV ŠABETAJ
- V BIKINA.

Vjerovatno je imao više djece, ali nemamo o tome podataka. Jakob sa porodicom živio je u Travniku. Kad je umro, njegova djeca raselila su se u razne krajeve Bosne. Jedni su otišli u Zenicu, jedni u Tešanj, Kostajnicu i u Sarajevo.

I MOŠA ALBAHARI živjeo je sa porodicom u malom bosankom mjestu Tešanj. Oženio se sa RAHELOM ATIJAS iz Travnika. Imao je malu trgovačku radnju, a jedno vrijeme je u Laktašima, nedaleko od Banja Luke, držao han. U to vrijeme je han bio kao neki ugostiteljski objekat sa prenoćištem – konakom. Današnji motel.

Prije I svjetskog rata Moša je umro od upale pluća. Pošto su se sva djeca osamostalila i otišla od kuće, Rahela Mošina žena, otišla je u Palestinu sa željom da umre u Svetoj zemlji. Bila je jako pobožna i čitala je knjige pisane hebrejskim pismom, što je bila rijetkost i među muškarcima a kamoli ženama. Boravila je tamo i za vrijeme I svjetskog rata. Poslije rata njena djeca željela su da je vide i da im se majka vrati. Njen sin Gedalja otišao je po nju i 1919.g. doveo je u Sarajevo, sa namjerom da je ponovo vrati u Palestinu. Međutim ona se razbolila i umrla 1930.g. (vidi zapis Judite Albahari Krivokuća u Almanahu 1977-2000.g. izdat od Saveza jevrejskih opština Beograd, pod naslovom "Naša Nona Rahela").

### Djeca MOŠE i RAHELE ALBAHARI:

1. SALAMON BUHOR oženjen sa HANOM FINCI imali su djecu:

- 1. RENČIKA- BUKICA
- 2. MORIĆ
- 3. Dr. AVRAM
- 4. JAKOB
- 5. LUNA
- 6. IZIDOR
- 7. ŠALOM.

MORIC i Dr. Avram bili su u njemačkom zarobljeništvu. Po oslobođenju Moric dolazi u Sarajevo i nalazi žive ženu Reginu i sina Albija. Bili su internirani na Rabu i preživjeli rat. 1948.g. iselili su se za Izrael. Tamo su dobili još jednog sina Šaloma. Moric i Regina umrli su u Izraelu.

Dr. AVRAM ALBAHARI rođen 1902.g. u Tešnju. Studirao medicinu u Zagrebu i Beču. Po završetku studija radio kao lekar u tuzlanskom radničkom kraju. Zarobljen od Njemaca 1941.g. i poslat u njemačko zarobljeništvu. Po oslobođenju dolazi u Sarajevo, ne nalazi nikog

od mnogobrojne porodice, sem Morica koji je također bio u zarobljeništvu. Ženi se sa učiteljicom NEVENKOM MITROVIĆ i opet radi na terenu tuzlanskog kraja, Olovo, Kakanj, a poslije prelazi u Sarajevo. Imali su djecu: HANA rođena 1946.g., RENCĀIKA- BEBA rođena 1947.g., SALAMON- BRACO rođen 1949.g. i LUNA rođena 1950.g. Dr. Avram umro u Trebinju gdje je bio na liječenju, a Nevenka u Sarajevu.

ŠALOM ALBAHARI sin Salamona i Hane rođen 1914.g. u Maglaju. Student ekonomije. Rano se uključuje u revolucionarni radnički pokret. Po okupaciji Jugoslavije učestvuje u organizovanju ustanka protiv okupatora, uhvaćen je od ustaša mučen u zatvoru, ali nikog nije odao. Strijeljan na Vracama - Sarajevo avgusta 1941.g. Jedna ulica u Sarajevu nosila je njegovo ime, ali dolaskom na vlast muslimanskih fundamentalista 1992.g. ukinuta je. RENCĀIKA- BUKICA, JAKOB, LUNA i IZIDOR ostala djeca Salamonova, ubijena su u ustaškim logorima.

## 2. JAKOB ALBAHARI sin MOŠE I RAHELE oženjen sa RENOM LEVI.

JAKOB rođen 1880.g. u Tešnju a RENA 1888.g. u Kladnju. Živjeli su u Sarajevu, Sanskom Mostu, Banja Luci i Hrvāčanima. U Sanskom Mostu Jakob i brat David otvorili su zajedničku trgovinu 1919.g. poslije dolaska Jakoba iz ruskog zarobljeništvā, a Davida iz austro-ugarske vojske. Tu je Luna, sestra Renina, upoznala Davida i tako su se dve sestre udale za dva brata. Pošto je trgovina slabo napredovala braća su se odvojila, David sa porodicom otišao u Lušci Palanku, malo mjesto pod Grmečom, 25km od Sanskog Mosta. Jakob sa svojom porodicom preselio se u Banja Luku, a poslije u Hrvāčane gdje je imao mješovitu trgovinu. 1943.g. ubijen je od četnika, a 1944.g. Rena od Čerkeza, saradnika njemačke vojske. Sa njom je bio mali Moric njen unuk koji je poslije pogibije oca Šalom- Mita 1942.g. djeda Jakoba i bake Rene, i majke Matilde, ostao sam. Uzela ga je majka apotekara Finklštajn iz Prnjavora a poslije ga je odvela Judita Albahari Krivokuća u svoju jedinicu (vidi sjećanja Judite "Jevreji borci NOB-a").

JAKOB i RENA imali su djecu:

- ALBAHARI MORIC, žena REGINA. Završio Eksportnu akademiju i radio u Zagrebu, nisu imali djece. Ubijen sa ženom od ustaša.
- ALBAHARI RAHELA udata u Podravskoj Slatini za LEA LAJPNIKA. Nisu imali djece. Oboje ubijeni u logoru, od ustaša.
- ALBAHARI MATILDA udata za FAJNGOLDA u Derventi. Imala je sina LEONA sa Pubom Kabiljo iz Sanskog Mosta, rođen oko 1934.g. Svi su stradali od ustaša.
- ŠALOM- MITO rođen 1914.g. oženjen sa Matildom Atijas iz Travnika. Radio je sa ocem u trgovačkoj radnji u Hrvāčanima. Imali su sina MORICA, rođen 1944.g. u Hrvāčanima. Obolio i 1941.g. majka pošla u Banja Luku po lijekove. Odsjela kod ujaka Monia- Salamona Levi i te iste noći bila je racija u Banja Luci. Pokupili su sve Jevreje i odveli ih u logor Jasenovac. Sa njima je potjerana i jedna Matilda otišla u smrt, a da nije odnijela lijek svom sinu Moricu.

Morica je Judita odvela u Sanski Most kod sestre njegove bake Rene, Lune, naše mame. Poslije kad su došli u Sarajevo školovao se, završio Srednjotehničku školu, zaposlio se u Energoinvestu. Oženio se sa Vidom Gašić i imaju dvoje djece. Sina ŠALOM- MITU i kćerku MATILDU.

ALBAHARI FLORA rođena 1919.g. u Sanskom Mostu. 1941.g. pobjegla od ustaša u Split gdje se priključuje pokretu otpora. Uhapšena od Talijana 1942.g. Iz zatvora je spasio talijanski oficir VALENTINO DA CAMPORA i kad je kapitulirala Italija 1943.g. Flora i Valentino bježe u Italiju i sklapaju brak. Imali su troje djece: IRENA, ĐAMARKO I ĐIĐI. Valentino je umro, a Flora sa djecom živi u Firenci.

**3. ŠABETAJ ALBAHARI i RENA ATIJAS.** Rena je kćerka Jakoba, brata Rahele Atijas (moje none) udate za Mošu Albahari (moj nono). Prije Drugog svjetskog rata živjeli su u Sarajevu u ulici Mali Alifakovac br.5, a prije Sarajeva živjeli su u Tešnju.

1941.g. dolaskom ustaša na vlast Šabetaj je odveden u prvoj grupi Jevreja koji su deportovani u logor Jasenovac. Rena je odmah shvatila šta je čeka i pobjegla sa djecom u Dalmaciju. 1943.g. internirana je Rena na ostrvo Rab u talijanski logor. Po kapitulaciji Italije 1943.g. Rena stupa u NOB i bila je kuharica u štabu ličkog područja. Rođena je 1899.g. u Travniku umrla u Sarajevu.

ŠABETAJ I RENA imali su djecu:

- BUKICA- ESTER rođena 1907.g. u Tešnju. 1941.g. bježi u Dalmaciju juna 1943.g. internirana na Rab u talijanski logor. Septembra 1943.g. po kapitulaciji Italije stupa u NOB u krojačku radionicu XI korpusa NOV. Po oslobođenju udala se za Grubora, živjeli u Sarajevu i nisu imali djece. Umrkla u Sarajevu.

- JAKICA ALBAHARI, žena FIŠKANT- TINA rođena u Poljskoj 1913.g. a Jakica 1910.g. u Tešnju. Živjeli su u Čačku, Jakica radio u pošti kao službenik, a Tina kao profesor u gimnaziji. Odmah po kapitulaciji Jugoslavije uključuju se u Pokret otpora, on u Čačanskom odredu, a ona ostaje u Čačku i ilegalno radi za NOP. Juna 1943.g. Jakica gine kao borac II proleterske brigade. Tina je otkrivena od Gestapoa i streljana januara 1942.g. Ostao maloljetni sin Melvi od dve godine. Njihova mljekarica, srpska seljanka iz okoline Čačka, uzela malog Melvina i sačuvala ga, krijući ga za vrijeme okupacije od Njemaca i četnika. Po oslobođenju predala ga baki Reni u Sarajevu. Melvi je završio fakultet i otselio se na Novi Zeland gde je umro.

- MORIC ALBAHARI za vrijeme II svjetskog rata bio u njemačkom zarobljeništvu. Po oslobođenju dolazi u Sarajevo i ženi se sa FANIKOM i imali su kćerku TINU. 1992.g. kad je izbio rat u Bosni, emigrirali su u Kanadu, a Moric je umro prije rata u Sarajevu.

- Ing. ALBERT ALBAHARI rođen 1915.g. u Sarajevu, službovao u Zagrebu. 1941.g. pobjegao u Dubrovnik, odakle je interniran na Rab u logor. 1943.g. stupa u NOV u VII banijsku diviziju. Oženjen sa Reginom, nisu imali djece.

- ARON ALBAHARI rođen u Sarajevu 1921.g., tokar. 1941.g. pokušao da stupi u NOB u Kalinovački odred, ali nije uspeo. Bježi u Dalmaciju juna 1943.g. interniran na Rab u italijanski logor. Septembra 1943.g. stupa u Jevrejski rapalski odred, a poslije u I brigadu VII banijske divizije. 1944.g. gine, mjesto nepoznato.

- LEON ALBAHARI rođen 1923.g. u Sarajevu, tehničar. 1941.g. bježi sa majkom u Dalmaciju, 1943.g. interniran na Rab u talijanski logor. IX 1943.g. stupa prvo u Jevrejski rapalski odred, a poslije u I brigadu VII banijske divizije. Po oslobođenju kao major JNA radi u Sarajevu. Oženjen sa MARIJOM VINŠALEK i dobili sina ARONA. Leon je umro I 1992.g. u Sarajevu, Marija živi u Sarajevu, a Aron u Beogradu.

**4. DUDO LEON ALBAHARI, žena BUHORA ALBAHARI.** Živjeli su u Sarajevu, Kostajnici, Zagrebu. Dudo je imao komisionu radnju od čega je iškolovao petero djece. Dudu-Leona, Buhoru, Lenku i Cilu Simhu odveli su u ustaški logor Đakovo, a poslije u Staru Gradišku gdje su nastradali, jedino je Cila uspjela da pobjegne iz Đakova.

Djeca Duda Leona i Buhore:

- RAHELA rođena 1910.g. u Sarajevu, završila farmaciju u Zagrebu 1939.g. Zbog učešća u radničkom pokretu hapšena i proganjana iz Zagreba. Po završetku studija zapošljava se u Tuzli, gdje se i dalje bavi komunističkim ilegalnim radom. Imala je kćerku HERTU.

### Dopuna biografije Davida Albaharija

Rođen 1889 g. u Tešnju Bosna i Hercegovina. Po završetku osnovne škole u Tešnju 1904 g. odlazi u Zenicu na izučavanje trgovačkog poziva. Radi kod braće Salamona i Jude Montiljo kao šegrt, a poslije kao trgovački pomoćnik. 1908 g. boravi u Travniku i radi kod Salamona Altaraca sve do 1914 g. kad je mobilisan od Austrougarske vojske i bio na raznim ratištima I svjetskog rata sve do 1918 g.

Dolaskom ustaša na vlast hapse je sa kćerkom, poslata u logor u Loborgradu, a zatim u Aušvic gdje je zajedno sa kćerkom nastradala.

- MORIC zvani MOŠA rođen 1913.g. u Sarajevu. Naprednom pokretu pristupio još kao srednjoškolac, zbog čega je bio isključen iz zagrebačke gimnazije, a školovanje je nastavio kod tetke LUNE u Čačku, gdje je maturirao. Nastavio je studije u Zagrebu, Filozofski fakultet, gdje je i primljen u KPJ 1934.g. Bio je organizator raznih studentskih glasila: "Novi student", "Borbeni student" i dr. 1939.g. biran je za sekretara biroa PK SKOJ-a i sekretara biroa partijskih organizacija svih fakulteta Zagrebačkog sveučilišta. Po okupaciji Jugoslavije 1941.g. poslat je u Istru radi organizovanja ustanka protiv okupatora. Izabran je za komandanta odreda Božo Vidas Vuk i u jednoj borbi ranjen, ilegalno liječen u jednoj bolnici u Sušaku. Po ozdravljenju prelazi na teren u okolini Rijeke sa zadatkom da formira partijske i vojne organizacije. Prilikom jednog sastanka opkoljen od talijanske vojske, teško ranjen prebačen u Rim gdje mu je suđeno pod lažnim imenom Vittorio Blecico. Osuđen na smrt 1942.g. Poslije rata posmrtni ostaci preneti u Zagreb i sahranjeni na Mirogoju.

- SALAMON – MONIK rođen 1915.g. Zbog revolucionarnog rada više puta hapšen. Borac Internacionalne brigade u Španiji, u borbi protiv fašista Franka 1936-1939.g., pod imenom IVANOVIĆ JOSIP. Po povlačenju iz Španije boravi u logoru u Francuskoj 1939.g., odakle bježi i dolazi u Jugoslaviju. Kao borac NOB-a gine kod Vareša maja 1942.g.

- LENKA rođena 1917.g. u Koprivnici. Hapšena nekoliko puta zbog revolucionarnog rada, sa ocem i majkom odvedena u logor Jasenovac gdje je stradala.

- Dr. SIMHA- CILA rođena 1919.g. u Kostajnici. Studirala medicinu u Zagrebu. Član SKOJ-a od 1934.g. Po dolasku ustaša na vlast hapšena, bila u zatvoru Lepoglava, a potom prebačena u logor u Đakovu. Juna 1942.g. bježi iz logora i stupa u NOB. Vršila razne dužnosti u partizanskoj sanitetskoj službi. Septembra 1944.g. odlazi u Italiju na kurs u bolnicu u Andriji, a zatim je bila šef jednog odelenja vojne bolnice VIII korpusa. Nosilac Partizanske spomenice. Rezervni pukovnik JNA. Umrula u Zagrebu.

5. ESTER BULKA udata za AVRAMA ALTARCA. Živjeli su u Sarajevu. Rano je ostala udovica i sama je podigla 10-oro djece. Jedini čl. porodice IZIDOR rođen 1917.g. u Sarajevu preživjeo je holokaust. Bio je borac u talijanskom, a poslije i francuskom pokretu otpora. Oženio se sa Verom – Talijanka. Ima dve kćerke, Danijela i Izabela. Živi u Grenoblu. Estera je 1933.g. otišla kod kćerke Roze koja je živjela u Zagrebu. Prilikom šetnje sa unucima, da bi sačuvala unuke od nadolazećeg tramvaja, povukla djecu i pala pod tramvaj i poginula. Od njene kćerke Roze ostao je jedino u životu Danko koji živi u Kanadi. Ostali članovi nastradali po ustaškim logorima.

6. GEDALJA ALBAHARI, žena RIFKA ALBAHARI (kćerka JUDE ALBAHARI brata Moše Albahari). Stanovali su u ul. Alifakovac br.3. Nije imao djece. Oboje su nastradali u logoru Jasenovac.

7. DAVID ALBAHARI, žena LUNA LEVI sestra Rene, žene Jakoba Albahari brata Davida. Čitava porodica od 6 članova bila u NOB-u i preživjela rat. Porodica Davida i Lune živjela je od 1919.g. do 1927.g. u Sanskom Mostu a potom preselila se u Lušci Palanku, a 1937.g. u Drvar. David je imao trgovinu mješovite robe. 1941.g. David, Luna, Judita i Moric otjerani su u ustaški logor u Bosanski Petrovac. Oduzeta mu je radnja i sve pokućstvo. (Vidi sjećanja Judite Albahari "Ustaški logor u B. Petrovcu".)

Poslije bjegstva iz logora David sa porodicom vratio se u Drvar i od tada 1942-1945.g. radi u NOV. Bio je u ekonomatu Vrhovnog štaba, a poslije u raznim društvenim organizacijama. Poslije rata dolazi u Sarajevo i radi u trgovini sve do penzionisanja.

Luna je također u ratu radila po bolnicama, pomagala ranjenike, radila u pozadini, slobodnoj teritoriji na raznim društvenim pitanjima. David je rođen 1888.g. u Tešnju, a umro 1973.g. u Sarajevu. Luna je rođena 1889.g. u Kladnju a umrla 1983.g. u Beogradu kod kćerke Flore. Njihova djeca:

- **FLORA ALBAHARI** udata za **DUŠANA SIMIĆA**. Flora je rođena 1920.g. u Sanskom Mostu.

Završila Srednju građansku školu u Banja Luci i zaposlila se u Sreskom sudu u Sanskom Mostu. Učestvuje od 1941.g. u NOB-u. Ona je prva žena u NOO u Drvaru, član Sreskog odbora AFŽ za srez Drvar. Udajom i rođenjem sina Vladimira 1943.g., njena aktivnost je smanjena.

Njen muž Dušan je za vrijeme NOB-a bio pomoćnik političkog komesara brigade i Delegat Vrhovnog Štaba NOV-a za organizaciju snabdijevanja Slobodne teritorije. Od osnivanja Državne bezbednosti Jugoslavije (1944.g.), bio je njen oficir, na nizu značajnih funkcija. Nosilac je "Partizanske spomenice 1941.godine".

Po oslobođenju Beograda, marta 1945.g. dolaze Duško, Flora i sin Vladimir u Beograd. 1947.g. Flora je rodila drugog sina Danila. Duško je umro 1989.g. a Flora 1993.g. u Beogradu.

~~POČASNO~~ **RAHELA ALBAHARI** udata za **ILIJU PERIŠIĆ** (tada major, sada General potpukovnik avijacije, nosilac Zlatnog pilotskog znaka).

Rahela je rođena 1922.g. u Sanskom Mostu. Završila VII razreda gimnazije pre rata. 1941.g. stupa u Drvarsko petrovački odred kao bolničarka, zatim u X krajišku brigadu kao vodni delegat. 1943.g. prelazi na pozadinski rad kao čl. Okružnog komiteta, a poslije Pokrajinskog komiteta SKOJ-a. Po završetku rata završava VPŠ i radi kao nastavnik u Nišu. Rodila tri sina: Simu 1951.g. u Sarajevu, Predraga 1952.g. u Beogradu i Miljenka 1955.g. u Nišu. Iz Niša sele se za Beograd. Zaposlila se u Institutu za istoriju gdje je penzionisana. Rahela i Ilija nosioci su partizanske Spomenice 1941.g., a Rahela je nosilac Povelje za životno djelo od opšteg značaja za razvoj SR BiH.

Djeca Rahele i Ilije Perišić:

Sin **SIMO** oženjen sa **DOBRILOM ALEKSIĆ** i imaju djecu: **ANA** rođ. 1979.g. 15.marta u Beogradu, **MAJA** rođ. 26.VI 1983.g. u Beogradu i **ĐORĐE** rođ. 12.januara 1985.g. u Beogradu.

Sin **PREDRAG** oženjen sa **NADOM PERIŠIĆ** i imaju djecu: **NENAD** rođ.prvog maja 1976.g. u Beogradu i **MLADEN** rođ. 30.III 1980.g. u Beogradu.

Sin **MILJENKO** ima kćerku sa **IVANČICOM PARADINOVIĆ**, **DARJU** rođ. prvog februara 1990.g. u Beogradu.

- **JUDITA ALBAHARI** rođena 25.IX.1923.g. u Sanskom Mostu. Završila pre rata IV razred Gimnazije. 1941.g. bila sa ocem i majkom kao i mlađim bratom u ustaškom logoru u Bosanskom Petrovcu. Sa roditeljima bježi iz logora i 1942.g. stupa u partizane. Bila je u najtežim bitkama u NOB-u na Neretvi i Sutjesci kao bolničarka u hirurškoj ekipi Vrhovnog štaba. Poslije rata studira agronomiju u Sarajevu i radi u Energoinvestu gdje je i penzionisana. Udala se za **VELJKA KRIVOKUĆU** (Šef prodajne mreže za Jugoslaviju TAM-ovih automobila-kamiona) i rodila kćerku **TANJU** koja je završila arhitekturu i odselila se u London. Udata za **FILIPA TEJLORA** i žive u Londonu. Judita danas živi u Beogradu, a Veljko je umro januara 2005.g. Judita je dosta pisala u našoj porodici, o boravku u logoru u Bos. Petrovcu, o Jevrejima u NOB-u, o našoj Noni Raheli i dr. Svi njeni radovi otkupljeni ili nagrađeni od strane komisije Jevrejskog saveza u Beogradu. Treba pročitati njene radove i dobiće se bolja slika o našoj porodici Albahari i uopšte o stradanju Jevreja u II svjetskom ratu.

- **MORIC ALBAHARI**, žena **RAHELA-- ELA MAESTRO**.

Moric je rođen 1929.g. u Sanskom Mostu i tek je završio II razred Građanske škole u Drvaru kad ga je zatekao rat. Bio je sa roditeljima u logoru u Bos. Petrovcu sa nepunih 12 godina. Bjegeštvom sa roditeljima iz logora sa 12 g. stupa u NOB u V korpus u tehničku službu kao fotograf. U V neprijateljskoj ofanzivi zarobljen od Njemaca na Šator planini. Prebačen u Drvar i četnici ga prepoznaju i optužuju kod Njemaca, da on nije "Marinko", kako se njima pretstavio, no Moric sin Jevrejina i da su mu svi u porodici u NOV. Jedan Njemač



zavolio je "Marinka" jer je ličio na njegovog sina i štutio ga. To je bio neki viši oficir. Po povlačenju Njemaca iz Drvara, Moric se sakrio u podrum zgrade i dočekaio ulazak partizana. Od tad 1943.g. opet je u partizanskim redovima u Agitpropu V Korpusa NOV-a radi u Kulturno prosvjetnoj sekciji i na organizaciji foto-dokumentacije Korpusa. Autor je velikog broja snimaka iz života i borbi V Korpusa. Po oslobođenju pohađa Pilotsku školu u Rumi 1948.g. Bio je najbolji pitomac u svojoj klasi. Rezervni je Major JNA. Završio Šumarski fakultet i bio Direktor Sarajevskog aerodroma. Žena Morica Ela Maestro čitavo vrijeme Drugog svjetskog rata 1941-1945.g. bila sa porodicom u internaciji- logoru u Italiji. Sin David rođen 1962.g. u Sarajevu završio Arhitektonski fakultet.

II SALAMON ALBAHARI žena LEA LEVI živjeli su u Sarajevu. Imali su djecu:

- JAKOBA
- MORICA
- SIDU
- LUNU
- BUHORU
- ŠABETAJA.

1. ŠABETAJ živio u Sanskom Mostu, imao sajdžijsku radnju. Ima 2 sina. Ubijena kompletna porodica od ustaša 1942.g.

2. SIDA bila udata za Leona Levi iz Banja Luke (brat Lune Levi naše mame). Vrlo rano umrla kao i njen muž Leon. Ostala su djeca: HAJIM- HINKO, ZLATA, FLORA. Odrasli su kod rodaka. (Vidi rodoslov Levi).

3. LUNA je udata za Rudolfa Weisa, živjeli su u Srbiji (Čačak, Niš). Preživjeli rat radili u Njemačkoj kao radnici u fabrici oružja. Imali su sina Wilija. Odselili se u Izrael. Wili sad živi u Tel Avivu.

4. BUHORA udata za Dudu Leona Albahari (brat moga tate Davida Albahari). Živjeli u Kostajnici, Sarajevu i Zagrebu. (Vidi objašnjenje porodice Duda Leona Albahari).

Za JAKOBA i MORICA nemamo podataka.

III JUDA ALBAHARI, žena SARA umro 1919.g. Živjeli su u Sarajevu. Ne znamo tačno koliko je imao djece, ali znamo samo za:

- LUNU
- NAFTALI imao kćerku Blanku udata Perera
- RIFKA
- MIRJAM, rođena 1988.g.
- ŠABETAJ, rođen 1984.g.

Nemamo više podataka. Imali su kuću i zemlju u ulici Samardžija kod Vječnice. Kćerka RIFKA bila je udata za Gedalju Albahari (brat našeg oca Davida Albahari) stanovali su u Sarajevu u ulici Mali Alifakovac br.3. Stradali u logoru Jasenovac 1941.g.

IV ŠABETAJ ALBAHARI, žena RIFKA. Živjeli su u Tešnju, Bosna i Hercegovina. To je bila velika porodica. Šabetaj se ženio dva puta, prva mu je žena umrla.

Iz prvog braka imao je djecu:

1. JAKOB-BOHOR oženjen sa Matildom, imali su sina Salamona- Moni, živjeli u Sarajevu i svi nastradali od ustaša.

2. SALAMON iz Koprivnice. Žena, sin Jozef i kćerka Mira apotekarka nastradali od ustaša.

3. MOŠE ubijen sa ženom i djecom u Sarajevu.

4. AVRAM- MAMIN, žena Rahela, jedno vrijeme živjeli u Tešnju odselili se u Sarajevo i Alifakovac br. 7. Imali su 13-oro djece:

- Šabetaj
- Menahem- Mento
- Jakob
- Mikica
- Moric
- Hana
- Hajim
- Nisim
- Regina
- Blanka
- David
- Šamika- Salamon.

Hajim, Mento, Mikica, Jakob, Moric, Regina, Hana, Šabetaj, svi su nastradali sa svojim porodicama od ustaša 1941-1942.g.

Imamo podatke za sledeće članove:

NISIM ALBAHARI sin Avrama i Rahele rođen 1916.g. u Tešnju. Kao srednjoškolac uključuje se u revolucionarni radnički pokret. Čl. KPJ 1935.g. Zbog revolucionarnog rada osuđen na 1g. zatvora. Po kapitulaciji Jugoslavije 1941.g. jedan je od organizatora ustanka protiv okupatora. Avgusta 1941.g. u Visokom uhapšen od ustaša i prebačen u sarajevski zatvor. Uz pomoć komunista Sarajeva bježi iz zatvora i od tad do oslobođenja nalazi se na visokim partijsko političkim funkcijama. Nosilac Partizanske spomenice i Ordena narodnog heroja. Umro u Sarajevu.

BLANKA ALBAHARI udata FERUŠIĆ kćerka Avrama i Rahele, rođena 1920.g. u Tešnju. Rano se uključila u sindikalni radnički pokret. U NOB stupila 1941.g. Čl. KPJ od 1939.g. Nosilac Partizanske spomenice. Umrula u Beogradu 1994.g.

DAVID ALBAHARI sin Avrama i Rahele, rođen 1920.g. u Tešnju. Trgovački pomoćnik iz Sarajeva. Stupio u NOB 1941.g. Poginuo avgusta 1942.g. kod Šekovića BiH, u borbi sa četnicima.

ŠAMIKA ALBAHARI sin Avrama i Rahele. 1941-1945.g. bio u njemačkom zarobljeništvu kao jugoslovenski vojnik. Upoznao rusku zarobljenicu Manju, oženio se i nastanio se u Sarajevu. Ima dva sina Vanju i Arona.

5. BULKA ALBAHARI udata LEVI nemamo podataka o njenoj porodici, stanovala je u Sarajevu u Alifakovacu, ubijena sa svojom porodicom od ustaša 1941.g.

Djeca iz drugog braka ŠABETAJA ALBAHARI:

1. NEHAMA, udata za Sadika Levi iz Sarajeva, nisu imali djece.

2. ISAK ALBAHARI, žena BLANKA ELAZAR.

Isakov sin Samuel- Buki bio u zarobljeništvu u Njemačkoj i preživio rat. Po povratku oženio se sa MATILDOM MUSAFIJA i imali su dvije kćerke: Rikicu i Blanku. Udate i imaju svoje

porodice i žive u Sarajevu. Sami i njegova žena Matilda umrli u Sarajevu za vrijeme građanskog rata 1993.g.

Isakova kćerka **Berta** i sin **Braco** poginuli u okolini Sarajeva kao borci NOB-a.

**3. ARON ALBAHARI**, žena **RAHELA MONTILJO** iz Bugojna. Imali su djecu **Puba-Šabetaj**, umro u Parizu, preživio II svjetski rat. Kćerka **Rikica** poginula kao borac NOV-a. **Šarika** učesnik NOB-a, udata za **Đadu Perera** (umro) živi u Zagrebu. Najmlađi sin **Jako-Braco** ubijen od ustaša sa majkom **Rahelom**. Aron se odselio u Izrael, preživio rat.

**4. GEDALJA ALBAHARI** živio u Tešnju, živ bačen u jamu živog kreča od ustaša, što nije odao gdje je zakopano zlato.

**5. JOZEF ALBAHARI**, živio u Tešnju. Pobjegao iz grada i naišao na četnički odred i ostao sa njima kao pisar u štabu. Po oslobođenju streljan od partizana.

**6. MIKICA ALBAHARI** udata za **Saloma** šefa stanice u Žepču - Bosna. Ubijena sa dvoje male djece od strane ustaša.

**7. RENA ALBAHARI** udata za **Mamila Musafiju**, živjeli u Žepču, ubijeni od ustaša.

**Jeuda Leon Albahari Dudo** rođen 1900.g. u Tešnju umro u Bolonji. Oženjen sa **Mirtom Mirjam Altarac** rođena 1905.g. u Doboju. Umrli u Bolonji. Imali su troje djece: **Šabetaj Puba Robert**, oženjen sa **Mary Norton USA**. Žive u SAD. Imaju troje djece: **Albert, Mirjam, i David**.

Kćerka **Leona i Mirte, Rahela- Ela** udata za krznara **Isaka Koen**. Umrli u Bolonji. Treće djetete **Leona i Mirte sin Avram- Braco** umro mlad sa 24g. u SAD. Nije bio ženjen.

#### V BIKINA-LUNA ALBAHARI udata za SALAMONA LEVI

**Bikina- Luna** rođena **Albahari** živjela je jedno vrijeme sa mužem **Salamonom** u Sarajevu i imali su kuću i zemlju pored brata **Jude** u ulici **Samardžija** iza **Vjećnice**. Preselili su se u **Banja Luku**. Imali su kćerke:

1. FLORA
2. MAZALTA
3. SARA

Vjerovatno su imali više djece ali nama nije poznato. Kćerka **FLORA** udala se za **Hajima Levi** i živjeli u **Banja Luci**. (Šire o porodici **Bikine Lune Levi** vidi porodično stablo **Levi**).

**Bikina** je mome tati bila tetka, očeva sestra, a mojoj mami **Luni**, nona, majčina mama. Što izlazi da je naša prababa.

*Podatke o porodici Albahari dobila sam od Šamike Albahari iz Sarajeva (sin Avrama i Rahele Albahari), od Alberta Pube Albahari iz SAD (12 Mernitt Ln. Rocky Hill NY 08553-1009).*

*Dosta podataka dala mi je moja mama Luna Albahari.*

*Koristila sam knjigu "Jevreji u Narodno oslobodilačkoj borbi" od Jaše Romana.*

*sinovi ŠABATEJA ALBAHARI (brat DAVIDA-našeg oca)*

*1. ALBERT ALBAHARI arhitekta*

*2. LEON ALBAHARI major JNA*

*3. ARON ALBAHARI*

*Svi su učestvovali u NOB-u , ARON je poginuo , a nezna se gdje*



## UMRO "ISO" ALTARAZ

### SJECANJE EZIO NOVASCONE

U Grenoblu umro je Isak-Izo Altaraz Jevrej iz Jugoslavije

Bio je oficir kraljevske mornarice vojske Jugoslavije. Za vrijeme II svetskog rata, kada su Njemci i Talijani okupirali Jugoslaviju, bio je uhapšen kao i mnogi drugi Jevreji iz Sarajeva.

Bio je interniran u logoru Val di Aosta. Kada je 1943. g. kapitulirala Italija, Izo je Uspjeo da pobjegne iz logora i priključio se talijanskim partizanima, a mnogi Jevreji naročito žene, djeca i starci otišli su za Švajcarsku.

Izo prelazi Alpe 1944. g. i priključuje se francuskom pokretu otpora.

Poslije rata živi u Grenoblu i vrlo često je posjećivao svoje ratne drugove iz Italije.

Uvijek ćemo ga se sjećati.

## *NAPOMENA*

Već odavno želim da potomcima porodica Albahari i Levi ostavim i ako nepotpuno, bar neki trag o njihovim korjenima.

Zbog teskoća u sakupljanju podataka, svakako ima griješaka: netačan broj članova porodica, datumi i mjesta rođenja, datumi pogibije isl.

Želela sam da fotografije u prilogu teksta bar donekle ilustruju život i izgled članova naših porodica.

Žao mi je što mnogo ranije nisam sakupila podatke od roditelja, rođaka porodica Albahari i Levi.

Velika poteškoća je bila što 90 % članova ovih porodica u Drugom svjetskom ratu nastradalo po logorima fašista, ustaša, Njemaca i njihovih saradnika. Đakovo, Jasenovac, Aušvic i mnogi drugi u kojima su naši najmiliji nastradali.

No i ovo što sam pripremila nadam se da će biti od koristi za naše potomke.

Prilikom stvaranja ovog porodičnog albuma pomogli su mi:

1. Knjiga Jaše ROMAN "Jevreji u Narodno oslobodilačkoj borbi"
2. Sjećanja Šamike sin Avrama Albahari iz Sarajeva u ulici Mali Alifakovac
3. Izjava Lune Levi udate Albahari (moja mama)
4. Albert – Puba sin Leona Albahari iz Tešnja. Albert živi u SAD, dr psihijatar
5. Dr Hagara Hajon pukovnik JNA udata Debijađi

*Beograd 2007 g. pripremila Rahela Albahari udata Perišić*

U šemi rodoslovlja porodica ALBAHARI I LEVI nisu unešeni svi podaci o članovima šire porodice. Unešeni su samo oni podaci, koje sam dobila od preživjelih naših rođaka. Podrazumeva se da je svaki od navedenih u rodoslovlju, imao svoju porodicu, ženu i mnogobrojnu djecu.

Do Drugog svjetskog rata naši rođaci živjeli su u svim krajevima Kraljevine Jugoslavije: Sarajevo, Zagreb, Beograd, Banja Luka, Zenica, Travnik, Čačak, Tešanj, Kladanj I dr.

Jedan manji broj sa šeme rodoslovlja umro je prirodnom smrću, a većina ih je stradala u fašističkim logorima Jasenovac, Đakovo (od ustaša ), a u Aušvicu, Dahau i drugim njemačkim logorima nastradalo je dosta naših rođaka. Ubijene su kompletne porodice a rijetko su ostala u životu samo jedan do dva člana u porodici.

Mnogi članovi naših porodica bili su borci NOB-a, neki su poginuli, a neki preživjeli kao što je porodica Davida Albaharija, svih 6 članova bili su u Nobu i preživjeli.

U porodicama našeg oca Davida i tate Lune nastradalo je 75 članova, a preživjelo samo 21.

Ovu sliku nikada ne mogu zaboraviti i pitam se "zar je ovo nedužno dijete moglo bilo kom učiniti zlo". Ubijen je samo zato što je Jevrejin.

